

„dum necessaria pro instante Paschate
translulerunt. Erat enim Judas procura-
tor Christi, & Apostolorum. „ Quod
docuerat etiam Beda lib. 4. cap. 54. in
cap. 12. Lucæ: *Facite vobis sacculos, qui
non veterascunt: elemosynas, videlicet
operando, quarum merces in eternum ma-
neat. Vbi non hoc praeceptum esse putandum
est, ut nil pecunie reservetur a Sanctis, vel
suis scilicet, vel pauperum usus suggeren-
do: cum & ipse Dominus, cui ministra-
bant Angeli, tamen ad informandam Ecce-
lesiam suam loculos habuisse legatur, & a fi-
delibus oblata conservans, & suorum ne-
cessitatibus, aliisque indigentibus tribuens:
sed ne Deo propter ista servietur, & ob ino-
pia timorem iustitia deseratur.*

III. Probatur, Joannes XXII., Romanus
Pontifex, in citatis Extravagantibus *Ad
Conditorem, &c.* Cum inter nonnullos, &c.
Quia quorundam, &c. declaravit, decre-
vit, ac definivit, Christum aliquid in
commune cum Apostolis habuisse, & hoc
paupertatis perfectioni nullatenus offi-
cere. Quo etiam extremo iudicio, ait
Serry, censendus est revocasse caput
exiit, de verborum significatione in VI.,
quod Nicolai IV. contrarium asserentis
decretum erat. Videatur Odericus Ray-
naldus in Annalibus ad annum 1323.

IV. Probatur. Ex Tertulliano, Epiphanio,
Hieronymo, Beda, & Anselmo locis cita-
tatis, B. Maria Virgo, Christi mater di-
cta est *Quasiuaria*, scilicet artem ad qua-
sum exercens, *Lanaria, Indusaria, Textrix*,
ut diximus; non est autem verisimile,
Christum mendicasse victum, quando
convivebat Parentibus, qui honestam ar-
tem exercebant, ut se, illumque alimen-
tarent.

Obijciunt I. Hilarius, Beda, & Chrysologus,
locis citatis dixerunt, Christum fuisse fa-
brum ferrarium: ergo non fuit faber li-
gnarius. II. Basilus in Constitutionibus
monasticis cap. 5. hæc habet de Christo:
Cum prima sua etate Parentum suorum im-
perio esset subiectus, & labores corporis om-
nes aequo una cum ipsis animo illis obediens,
toleravit. Verisimile est enim, cum homines
illi essent & iustitie, & pietatis cultores:
relinques tamen solitos eos in assidue corporis
laboribus versari, & hac ratione quotidia-
num sibi victum quaritare. Porro Jesus cum
his (ut divina litera prædicant) esset subje-
ctus, sine dubio in perseverandis etiam una
cum ipsis laboribus, morigeram declarabat
suam obedientiam Ex quibus verbis patet,
quod Christus quotidianum victum qua-

P. R. IV.

ritaverit, hoc est mendicaverit. III. Hie-
ronymus in Epist. 22. ad Eustochium de
custodia Virginitatis scribit, quod Chri-
stus usque ad triginta annos Parentum pau-
pertate contentus fuit: ergo si tunc Christus
Parentum paupertate contentus non men-
dicavit, deinde post triginta annos a Pa-
rentibus separatus, mendicavit. IV. Chri-
stus adoratus a Magis elemosynas ab
iisdem accipit: ergo primo veniens in
mundum, & in fasciis agens, vitam men-
dicatione sustinuit. V. Triduo illo, quo
Parentes eum amiserunt Ierolymis, & in
Templo erat cum Doctoribus disputans,
asserunt omnes, quod mendicato vitam
transgessit: ergo non proprio labore vixit,
sed mendicando ostiatim. VI. Chrysosto-
mus homil. 67. in Matthæum docet, quod
Christus regulas nobis praebeuit, ne maiora,
quam necessarius usus exigit, requiramus.
Itaque quando nascebatur, non magnificas
ades, non locupletem matrem, sed pauperri-
mam, & Fabro desponsatam, elegit. Et con-
sonat iis, quæ dixerat Origenes homil. 8.
in Leviticum: *In hoc ostenditur, verum esse
illud: quod scriptum est, quia Christus Jesus
cum dives esset, pauper factus est, ideo & ma-
trem, de qua nasceretur, elegit pauperem.* VII.
Si non fuit Christo incongruum fabrilem
artem a Iosepho discere, neque dicendum
est, fuisse incongruens, quod a Ludima-
gistro literas, illasque cognoscendi peri-
tiam compareret; quod apud Irenæum
Valentiniani, qui proximi Christi ævo
fuerant, asseriebant. VIII. Patres omnes
asserunt, quod Christus ante trigessimum
annum obscuram vitam duxerit, & ab aliis
minime cognitam; sed si fabrilem artem
exercuisset, facile fuisset ab hominibus
agnitus, & non potuisset orationi, con-
templationi, & jejuniis vacare: ergo ve-
rum non est, quod diximus, Christum,
scilicet, ante trigessimum ætatis annum,
solitariam, obscuram, ac privatam vitam
duxisse; sed potius socialem, cum aliis
conversando, ac pertractando.

Respondemus ad I. quod Hilario, Bedæ, ac
Petro Chrysologo, præferimus Justinum
martyrem, & philosophum; & quia fuit
omnium antiquissimus, & Christi tem-
poribus propior, & quia pro ejus opi-
nione peculiaria monumenta, quæ addu-
ximus, faciunt, quæ cæterorum senten-
tiæ minime suffragantur.

Ad II. Profecto Christus ex Basilio quoti-
dianum victum quaritavit, ac non men-
dicando, ut Adversarius supponit, sed po-
tius laborando, ut ex ipsiusmet Basilii ver-